

*Al Väint e al Sâul*

*Un dė, al Väint ed sâtta e al Sâul i tacagnèvan, parchë ognóũ l avîva la pretäisa d èsar pió fôrt che cl ètar. A un zêrt póunt i vdénn un òman ch'al vgnîva inânz arvujà in una caparèla. Alâura, par arsôlvar la lît, i cunvgnénn ch'al srévv stà considerà pió fôrt quall ed lâu ch'al fóss arivà d âura ed fèr in môd che cl òman al s cavéss la caparèla d'indòs.*

*Al Väint ed sâtta al cminzipié a supîê pió fôrt ch'al psîva, ma pió al supîêva e pió cl òman al se strichêva int la caparèla, tânt che ala fêĩ al pôvar Väint ai tuché ed tûrla pèrsa. Alâura al Sâul al s mustrë in zîl. Pôc dâpp cl òman al stiupèva dal chèld: al s cavé la caparèla e al fó acsë che al Väint ed sâtta al fó custràtt ad arcgnössar che al Sâul l îra pió fôrt che lõ.*

*T êla piasûda la fôla? Vlaggna turnèrta a dî?*